

Sykkylven kyrkjelege fellestråd
Postboks 161
6239 Sykkylven

Protokoll frå fellestrådsmøte 6. desember 2016.

Desse møte: Trygve Ebbesvik, Torbjørn Støylen, Anne Karin Watters, Svein Runde, May Lisbeth, Iren Hørte Høibakk (*kom litt ut i møtet*) og Arild Sporsheim.

Forfall:

F-sak 21/16 Godkjenning av innkalling og saksliste

Svein Runde stilte spørsmål om tid for val av leiar og nestleiar. Kyrkjeverjen hadde undersøkt dette og kunne stadfeste at dette skal gjennomførast årleg jf. reglane (§ 1.3) som er fastsett av Kyrkjemøtet.

Vedtak:

Godkjent med merknad om å legge til saksnummer 25/16 *Val av leiar og nestleiar*.
Vedtaket var einstemmig, 5 røyster for.

F-sak 20/16 Protokoll frå fellestrådsmøte 13. september 2016

Vedtak:


Godkjent utan merknad.
Vedtaket var einstemmig, 6 røyster for.

F-sak 22/16 Søknad om auka økonomisk ramme for 2016

Fellestrådsleiar orienterte om søknaden og møtet den 28.10.2016 med rådmannen for å utdjupe søknaden. Rådmannen møtte med økonomisjef og dei to kommunalsjefane i Sykkylven kommune. Sykkylven kyrkjelege fellestråd (SKF) møtte med leiar, nestleiar og kyrkjeverje. Søknaden omhandla kompensasjon for manglande investeringstilskot år 2016, men fleire saker vart omsnakka i møtet. Ei av dei gjaldt kommunal løyving til løn 25% ungdomsarbeidarstilling.

Kyrkjeverjen orienterte om at ungdomsarbeidarstillinga (*den gang med stillingstittel: Ungdomsprest*) vart oppretta den 01.08.2004 og har sidan den tid vore tilsett av fleire arbeidstakarar. I forkant av denne tilsettinga søkte SKF om ei kommunal løyving på 25% av 100% stillinga. Dei resterande 75% blir finansiert av sokneråda ved hjelp av innsamla midlar og statlege trusopplæringsmidlar. SKF har sidan 2005 tildelt denne 25% stillingsandelen av den kommunale rammeløyvinga til lønn ungdomsarbeidar. I 2004 var dette «friske» pengar i form av å vere eit tilskot utover den ordinære driftsramma, men allereie for budsjett 2005 «forsvant» desse i form av at rammetilskotet ikkje var tillagt dette beløpet. Sidan 2004 og fram til i dag har SKF i ulike brev, inklusive alle rammesøknadane, og møter med kommunen presisert denne fråkoplinga mellom kommunal løyving til drift av administrasjon, kyrkjer og gravplass, og ungdomssatsinga i kommunen.

Rådmannens kommentar i møtet den 28.10.2016 var at i mangel av denne ekstraløyvinga/presiseringa i den kommunale rammeløyvinga er ikkje SKF forplikta til å vidareføre denne fordelinga til 25% lønn ungdomsarbeidar. Økonomisjefen kom ikkje med kommentarar på dette.



Sykkylven kyrkjelege fellestråd

Postboks 161
6239 Sykkylven

Vedtak:

Fellestrådet tok det til vitande med kommentar om at kyrkjeverjen bes ta kontakt med ungdomsrådet vedr. søknad om delfinansiering av ungdomsarbeidarstillinga.

Vedtaket var einstemmig, 6 røyster for.

F-sak 23/16 Budsjetgjennomgang

Kyrkjeverjen orienterte om den framlagte rekneskapsrapporten pr. 06.12.2016. Rapporten viser eit meirforbruk p.t. på om lag kr. 100.000,-. Dette meirforbruket vil i følge kyrkjeverjen truleg ende opp til å verte om lag kr. 200.000,- ved utgangen av året. Dekning av tidlegare års negative resultat er då ikkje medrekna.

Vedtak:

Fellestrådet tok det til vitande.

Vedtaket var einstemmig, 6 røyster for.

F-sak 24/16 Val til KA's landsråd

May Lisbeth Hovlid Aurdal stilte spørsmål til nominasjonsprosessen i forkant av dette valet. Både kyrkjeverjen og fellestrådsleiaren meldte om at dei ikkje kjente til at det var tilsendt noko informasjon om dette. Nominasjonsprosessen er no ferdig, men det gis anledning til å kome med benkeforslag på valdagen, 10.01.2016 i Molde. Etter fastsette reglar kan SKF med mindre enn 5 årsverk stille med 1 representant/delegat. Anbefalingane er at denne representanten blir fellestrådsleiaren.

Vedtak:

Fellestrådet ønskjer å foreslå May Lisbeth Hovlid Aurdal som kandidat til dette. Dette blir framlagt som benkeforslag frå vår representant, fellestrådsleiaren. Hovlid Aurdal skal også være ein av dei 3 kandidatane som skal foreslås. I tillegg skal vår utsendte representant foreslå; Lars Polden og Magne Landre.

Vedtaket var einstemmig, 6 røyster for.

F-sak 25/16 Val av leiar og nestleiar for år 2017

I forkant av valet vart det av fleire rådsmedlemmar oppmoda til kontinuitet.

Valet var skriftleg og gjennomført i 2 omgongar.


Vedtak:

1. Først var det val av leiar; Av 6 røyster gjekk 5 til Trygve Ebbesvik og 1 til Torbjørn Støylen.
2. Så var det val av nestleiar; Av 6 røyster gjekk 5 til Torbjørn Støylen og 1 til May Lisbeth Hovlid Aurdal.

Vedtaket var einstemmig, 6 røyster for.

Orienteringar:

- Fellestrådsleiar orienterte om møtet med rådmannen ang. søknad om auka ramme for år 2016 og søknad om kommunal ramme for år 2017 til drift administrasjon, kyrkjer og kyrkjegard.
- Bispevisitas 2017 – Prost og kyrkjeverje orienterte om det planlagde møtet mellom SKF, sokneråda og biskopen tysdag 7. februar kl. 18:30.



Sykkylven kyrkjelege fellesråd

Postboks 161
6239 Sykkylven

- Kyrkjeverjen orienterte om at han har starta ein prosess med mål om å innføre ein forutsigbar praksis for innhenting av/krav om framlagt politiattest. Kyrkjeverjen vil ved hjelp av utarbeidde retningslinjer for Den norske kyrkje utforme forslag til retningslinjer for bruk av politiattest i Sykkylven. Dette blir lagt fram som sak til både sokneråda og fellesrådet.
- Forlik i saka mellom Lars Otto Aure og Sykkylven kommune vedr. reguleringa av vegen rundt Sykkylven kyrkje. Rådsmedlemmane fikk utlevert kopi av avtalen som syner innhaldet i dette forliket, datert 31.08.2016.
- Kyrkjeverjen orienterte om at det er planlagt bygging av eit podium i kyrkjestova, Sykkylven kyrkje. Prosjektet inneber også montering av ny projektor, lerret og utbedring/utviding av songanlegget.

Neste møte: 17. februar 2017

Ref.:

Arild Sporsheim
Kyrkjeverje / Dagleg leiar

Sign.: _____
Leiar

Sign.: _____
Nestleiar